



Te Whakarāpopototanga o te whāinga whiwhinga whare me ōna taumahi

Mō te rautaki

Ko te Rautaki Hauātanga o Aotearoa 2026-2030 te rautaki hauātanga tuatoru o Aotearoa. Ko tāna he whakatakoto atu i te ngākau titikaha o te Kāwanatanga ki ngā tāngata whaikaha katoa me ngā tāngata whaikaha Māori.

Nā Whaikaha – Ministry of Disabled People i arataki ngā mahi mō te rautaki. I whakaae te Rūnanga Matua ki ngā wāhanga hua mātāmua e 5 mō te rautaki. I huaina ngā kiko mō te rautaki i muri i ngā tāpaetanga mai i ngā rōpū whaikaha, ngā rōpū mahi he tangata nō te hapori whaikaha kei roto, ngā mātanga mō te rāngai, me ngā āpiha mai i ngā hinonga kāwanatanga whai pānga. I whakahaeretia he toronga whakaaro ki te iwi nui tonu mō tētahi hukihuki o te rautaki, kāti i muri, i whakaae te Rūnanga Matua ki te kaupapa tūturu o te rautaki.

Ka kapi i te rautaki nei te 5-tau, atu i 2026 ki 2030, kia pai ai te aro o ngā hinonga kāwanatanga ki ngā mahi whai take, ngā mahi ka taea te whakatinana, e kōkiritia ai he panonitanga mō ngā tāngata whaikaha me ngā tāngata whaikaha Māori.

Kei roto i te rautaki:

- **Tētahi matakite, me ētahi mātāpono** hei whakatakoto i te aronga o te rautaki, hei arataki hoki i ngā mahi puta noa i te kāwanatanga mō te hunga whaikaha.
- **E 5 ngā wāhanga putanga hua mātāmua** o te mātauranga, te whiwhinga mahi, te hauora, te whāinga whare, me te ture. He **whāinga**, he **kāpuinga taumahi** hoki tō ia wāhanga putanga hua mātāmua.
- **He ara aroturuki** hei ine i te kokenga whakamua a te kāwanatanga ki te hora i te rautaki.

Ngā whakarāpopototanga o ia wāhanga o te rautaki

Ka taea te pānui Te Rautaki Hauātanga o Aotearoa 2026-2030 i te paetukutuku o Whaikaha – Ministry of Disabled People.

Kua puta hoki i a Whaikaha ētahi whakarapopoto o ia wāhanga o te rautaki, mō te hunga kāore e pīrangi ana ki te pānui i te rautaki katoa. Inā ngā whakarapopoto:

- Te matakite, ngā mātāpono me ētahi atu mōhiotanga hira
- Ngā whāinga me ngā taumahi mō te mātauranga
- Ngā whāinga me ngā taumahi mō te whiwhinga mahi
- Ngā whāinga me ngā taumahi mō te hauora
- Ngā whāinga me ngā taumahi mō te whai whare
- Ngā whāinga me ngā taumahi mō te whakawā



He whakarāpopoto tēnei tuhinga o te whāinga whai whare, ka pēhea te ine i te kokenga whakamua ki te whāinga whai whare, me ngā mahi mō te whāinga whare.

Te whakarāpopoto whāinga whare



He whāinga tō te rautaki mō te whāinga whare. Inā te whāinga:

Kia whai whare hauora, haumaruru, tomopai hoki te hunga whaikaha me ō rātou whānau, e tutuki ai ō rātou hiahia, me te tautoko i tō rātou noho motuhake.

Te ine i te kokenga whakamua ki te whāinga mō te whai whare

Ka inea te kokenga whakamua ki te whāinga mō te whai whare mā te whakamahi i ēnei tūtohu:

- Te ōrau o ngā tāngata whaikaha e noho ana i roto i tētahi whare ko te rangatira o te whare e noho ana i roto.
- Te ōrau o ngā pakeke whaikaha (15 tau te pakeke, kei runga atu hoki) i kī, he teitei tonu tō rātou āhei ki te utu mō tetahi kāinga noho (7 kei runga atu rānei i te tauine 0-10).
- Te ōrau o ngā pakeke whaikaha e kī ana kāore he tino raru mō tō rātou whare, kāinga rēti rānei (te mātao, te haukū, te puruhekaheka, kāore kau ōna tapinga nui e hiahia ana).

- Te ōrau o ngā pakeke (15 ō rātou tau, kei runga atu rānei) e kī ana he haumarū rātou, he tino haumarū rānei, i roto i ō rātou ngākau, i te pō.
- Te wā tāringa toharite mō te whare pāpori kua whakamahinetia i te:
 - Rēhita whare noho
 - Rēhita whakawhiti whare



Te tikanga o te kupu, te tutukitanga i roto i te whāinga whare

Mō te hunga whaikaha, inā te tikanga o te tutukitanga i te taha ki te whāinga whare:

- a) He huhua **ngā whiringa e wātea ana ki te hunga whaikaha mō tēnei mea te whare tōtika i tō rātou hāpori, e pai ai tā rātou kōwhiri** i te hunga e noho tahi ai rātou me te wāhi ka noho rā rātou.
- b) **Ka tutuki ngā hiahia i te nui o ngā whare tomopai mō te tangata**, otirā he whare ērā e tutuki ai te whānui o ngā momo me ngā āhuahira o ngā hiahia urutaunga. Ka tūturu te mahi aroturuki kia tika ai te tutukitanga o te hiahia i ngā whāngainga whare.
- c) **He toitū te noho o te hunga whaikaha i ō rātou whare, ka wātea ki te hūnuku whare ki te hiahia rātou**, kāore e tūpono ki ngā auroatanga ina kimi whare mehemea e wehe atu ana i te hōhipera.
- d) **E mārama ana te rāngai whare ki ngā hiahia tomopai o te hunga whaikaha**, me pēhea hoki te hanga whare mō te tomopai.
- e) **He tomopai tonu te hoahoa ā-tāone me te whakamahere**, e ngāwari ai te tomo a te hunga whaikaha ki ō rātou takiwā, ngā tukuora o te rohe me te tūneke.
- f) **Ko tā te whai whare tōtika he whakapiki i ngā putanga mō te hunga whaikaha**, tae atu ki tō rātou toiora ōkiko, toiora ahurea, whānau, toiora hinengaro anō hoki. Hei āwhina tēnei **kia tautiaki i te hunga whaikaha kia kore ai e tūkinotia, me ngā horopaki haumarū kore.**



Ngā mahi mō te whāinga whare

He kāpuinga mahi tō te rautaki mō te whai whare. Inā ngā taumahi:

1. Whakawhanake, toro whakaaro me te whakatairanga tautuhitanga mārama o tēnei mea te whare tomopai. Mā ēnei e whakamārama ngā āhuahira taketake o ngā taumata rerekē o te tomopai (hei tauira, mai i te hoahoa ā-ao torowhānui taea noatia te tomopai tūturu).

Mā ngā tautuhitanga mārama o ngā whare wātea ka tautokona pea te whanaketanga o ētahi aratohu hāpai noa mō te urutanga mō ngā whare noho (mahi mō te whāinga whare 6).

2. Whakapiki te whakahāngai raraunga i waenga i ngā tāngata whaikaha me ngā kāinga pāpori me ngā āhuahira urutanga e tutuki ai ō rātou hiahia. Mā tēnei ka whakaarotaungia ngā tāngata whaikaha me ō rātou whānau mō ngā kāinga tomopai. Mā te whakahāngai raraunga e tautohu ngā hiahia whare o te hunga whaikaha me ngā whare pāpori e tutuki ai aua hiahia. He mea tino hira tēnei mō te hunga he tiketike tonu/he matatini rānei ō rātou hiahia. Ka noho pea ngā raraunga ka kohia hei arataki i ngā haumitanga ki te whāngainga whare pāpori ā ngā rā kei mua i te aroaro.
3. Ka tautoko i tētahi o ngā maioro ki te whakapiki i te rahi o ngā whare ka taea te hoko, ka taea rānei te urutomo i roto i te māketē tūmataiti, me te tūhura me pēhea te tango i aua maiora. Mā te noho mārama ki ngā maioro ki te hora whare wātea ka aronuitia ētahi haukotinga papai hei whakapiki i te horanga whare.
4. Ka arotake i te pūnaha whakamahine whare me te tiro ki ngā ara e whakapaingia ai. Te whakatika i te pūnaha whakamahine whare o nāianei kia kakama kē ake e heke ai pea ētahi o ngā raru o nāianei: te korenga e urutomo ki ngā whare, te pikinga o ngā utu me te hauora o ngā āhuatanga mō te hunga whaikaha, mō ngā whānau me ngā kaitiaki.
5. Te kohikohi me te whakaputa i ngā raraunga ā-tau mō ngā hiahia whāinga whare o ngā tāngata whaikaha, hei whakatairite tēnei ki ngā whare e hangaia ana i ia rohe. Mā tēnei e whakatenatena te māketē whare kia tahuri ki te hanga i ētahi atu whare tomopai. Mā ēnei mahi hei whakakī i te āputa o ngā raraunga mō ngā whare tomopai, e whakatairanga hoki te take nei kia aro mai ai te iwi, o te hiahia mō ētahi whare tomopai. Ka taea hoki te whakamahi ngā raraunga hei ine i te kokenga whakamua ki te whakapiki i te puna whare tomopai.
6. He tārei aratohu ā-motu hāpai noa mō te urutanga mō ngā kāinga noho. Ka takea mai ngā aratohu i ngā tautuhitanga mō ngā whare wātea i roto i ngā mahi mō te whāinga whare 1, ā, mā konei e tātaki ētahi aratohu tikanga mahi pai mō te waihanga whare wātea.
7. Ka arotakea te pūnaha whare pāpori, tae atu ki te whiriwhiri ngā hiahia matahuhua o te hunga whaikaha, me pēhea hoki te whakatutuki i aua hiahia.